

službi nadležnoj za poslove branilačko-invalidske zaštite prema području na kojem je izvršeno podizanje nišana/nadgrobnog spomenika (u daljem tekstu: općinska služba).

2. Uz zahtjev se obavezno prilaže smrtni list odnosno dokaz o statusu šehida/poginulog branioca za lice kome je nišan/nadgrobnik spomenik podignut.

3. Podnosilac je dužan priložiti i dokaze o:

- a) srodstvu sa šehidom/poginulim braniocem;
- b) ovjerena izjava roditelja, udovice i djece šehida/poginulog branioca o izvršenom podizanju nišana/nadgrobnog spomenika;
- c) ostali dokazi o podizanju nišana/ nadgrobnog (računi i dr.);

### **Član 5. (Postupak po zahtjevu)**

1. U postupku po zahtjevu općinska služba je dužna isti razmotriti, izvršiti potrebne provjere podnesene dokumentacije i pribaviti pismeno mišljenje kantonalnih udruženja porodica šehida/poginulih branilaca, o opravdanosti istog.

2. Zahtjev sa prijedlogom za prihvatanje ili odbijanje zahtjeva i kompletnom dokumentacijom, općinska služba dostavlja Ministarstvu za boračka pitanja Kantona (u daljem tekstu: Ministarstvo), u roku od 15 dana od dana prijema zahtjeva.

### **Član 6. (Odluka)**

1. O odobravanju isplate sredstava ili odbijanju zahtjeva odlučuje ministar Ministarstva, na obrazložen prijedlog tročlane komisije, koju čine dva zaposlenika Ministarstva i jedan predstavnik kantonalnog udruženja porodica šehida/poginulih branilaca, a koju imenuje posebnim rješenjem.

2. Na osnovu saglasnosti Ministarstva o odobravanju isplate, općinska služba donosi rješenje.

3. O žalbi na rješenje općinske službe rješava Ministarstvo.

### **Član 7. (Sredstva)**

Sredstva za realizaciju ove Odluke osiguravaju se u Budžetu Kantona.

### **Član 8. (Dostava i pravdanje sredstava)**

1. O doznačenim sredstvima za isplatu novčane pomoći općinska služba obavještava korisnike

i istim vrši isplatu putem blagajne ili tekućih računa.

2. Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

### **Član 9. (Evidencija)**

Elektronsku evidenciju o podnesenim zahtjevima i korisnicima prava po ovoj Odluci vode općinske službe i Ministarstvo, po obrascu kojeg propisuje Ministar, u roku od osam dana od dana stupanja na snagu ove Uredbe.

### **Član 10. (Izmjene i dopune Odluke)**

Izmjene i dopune ove Odluke vrše se u postupku propisanom za njeno donošenje a inicijativu u tom smislu mogu dati i udruženja pripadnika branilačke populacije iz člana 56. stav 3. Zakona o dopunskim pravima branilaca i članova njihovih porodica.

### **Član 11. (Stupanje na snagu)**

Odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 02-14-24871/07

Datum, 24.10.2007. godine

Zenica

**PREMIJER**

**Miralem Galijašević, s.r.**

.....  
**364.**

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06) i člana 32. Zakona o dopunskim pravima branilaca i članova njihovih porodica ("Službene novine Zeničko-dobojskog kantona", broj 6/06 i 9/07), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

### **ODLUKU O FINANSIRANJU RADA KANTONALNIH UDRUŽENJA BRANILACA I ČLANOVA NJIHOVIH PORODICA**

### **Član 1. (Predmet Odluke)**

Ovom Odlukom utvrđuju se uvjeti, način i postupak finansiranje rada i aktivnosti udruženja branilaca i članova

njihovih porodica, od posebnog društvenog interesa, organizovanih na nivou Zeničko-dobojskog kantona (u daljem tekstu: Kanton):

1. Organizacija porodica šehida i poginulih boraca ZDK,
2. Savez ratnih vojnih invalida ZDK,
3. JOB „Unija veterana“ ZDK,
4. Savez dobitnika najvećih ratnih priznanja ZDK,
5. UG RVI paraplegičara ZDK,
6. UG Savez slijepih boraca ZDK,
7. Zajednica udruga obitelji poginulih i nestalih hrvatskih branitelja domovinskog rata ZDK,
8. HVIDRA ZDK i
9. SUBNOAR ZDK.

### **Član 2. (Osiguranje sredstava)**

Sredstva za realizaciju ove Odluke osiguravaju se u Budžetu Kantona na budžetskoj stavci Ministarstva za boračka pitanja (u daljem tekstu: Ministarstvo).

### **Član 3. (Raspodjela)**

1. Visina sredstava iz člana 1. ove Odluke i raspodjela istih, utvrđuju se Programom utroška sredstava Ministarstva, koji, u skladu sa Zakonom o izvršenju Budžeta, za svaku budžetsku godinu donosi Vlada Kantona.
2. Kriteriji za utvrđivanje visine pojedinačnih iznosa sredstava koji se odobravaju udruženjima su:
  - a) brojnost članstva;
  - b) utvrđene programske aktivnosti za tekuću kalendarsku godinu (redovne i posebne);
  - c) realizacija aktivnosti i pravdanje utroška odobrenih sredstava u prethodnoj godini.

### **Član 4. (Finansiranje aktivnosti)**

Finansiranje posebnih aktivnosti udruženja iz člana 1. ove Odluke, vrši se u skladu sa posebnim zaključcima, koje na prijedlog Ministarstva donosi Vlada Kantona, a kojim se utvrđuje visina, način utroška i pravdanje odobrenih sredstava.

### **Član 5. (Evidencija)**

Elektronsku evidenciju o korištenju prava po ovoj Odluci vodi Ministarstvo, po obrascu kojeg propisuje Ministar u roku od osam dana od dana stupanja na snagu ove Odluke.

### **Član 6. (Izmjene i dopune Odluke)**

Izmjene i dopune ove Odluke vrše se u postupku propisanom za njeno donošenje a inicijativu u tom smislu mogu dati i organizacije pripadnika branilačke populacije iz člana 56. stav 3. Zakona o dopunskim pravima branilaca i članova njihovih porodica.

### **Član 7. (Stupanje na snagu)**

Odluka stupa na snagu narednog dana od dana objavljivanja u “Službenim novinama Zeničko-dobojskog kantona”.

Broj: 02-14-26246/07

Datum, 02.11.2007. godine

Zenica

**PREMIJER**

**Miralem Galijašević, s.r.**

.....

### **365.**

Na osnovu člana 16. stav 2. Zakona o Vladi Zeničko-dobojskog kantona (“Službene novine Zeničko-dobojskog kantona”, broj: 16/00, 7/05. i 4/06.), a u vezi sa članom 14. Zakona o izvršavanju Budžeta Zeničko-dobojskog kantona za 2007. godinu (“Službene novine Zeničko-dobojskog kantona”, broj 7/07.), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

### **ODLUKU o preraspodjeli sredstava u Budžetu Zeničko-dobojskog kantona za 2007. godinu**

#### **Član 1.**

Odobrava se preraspodjela sredstava planiranih u Budžetu Zeničko-dobojskog kantona za 2007. godinu (“Službene novine Zeničko-dobojskog kantona”, broj: 7/07) između budžetskih korisnika: Ministarstva unutrašnjih poslova i Ministarstva finansija.

Preraspodjela sredstava u Budžetu Zeničko-dobojskog kantona za 2007. godinu vrši se na slijedeći način:

- na razdjelu 15, budžetska organizacija 01, potrošačka jedinica 0001 – Ministarstvo unutrašnjih poslova sredstva na poziciji 611100 – Bruto plaće i naknade umanjuju se za iznos od 50.000,00 KM,
- na razdjelu 17, budžetska organizacija 01, potrošačka jedinica 0001 - Ministarstvo finansija sredstva na poziciji 613900 – Zatezne kamate i troškovi spora uvećavaju se za iznos od 50.000,00 KM.